

БӨЛІМ: БАЛАБАҚША

Тіл - ел тірегі

ЖАРИЯЛАНДЫ
17.07.2017СІЛТЕМЕ
https://bilimger.kz/16468/

АННОТАЦИЯ / АҢДАТПА

Тулеуова Айжан Жексенбаевна

Білім беру саласы: «Коммуникация»

Ұйымдастырылған оқу қызметі: Сөйлеуді дамыту

Мақсаты: Мемлекеттік тілдің маңызы туралы түсінік беру. Сан ғасырлар бойы халықтың өзімен бірге жасасып, ұрпақтан-ұрпаққа мұра боп қалып жатқан ауыз әдебиетінің бай саласының бірі қазақ тілін ұрпақтың бойына сіңіре білуге және туған жерін сүйеге, қадірлеуге, бағалап мақтан етуге тәрбиелеу.

Қолданылатын көрнекі құралдар: Қ.Р мемлекеттік рәміздері, шарлар, жалаушалар.
Әдіс-тәсілдер: түсіндіру, сұрақ-жауап.

Шаттық шеңбері

Туған тілім-бабам тілі-өз тілім,

Туған тілім-анам тілі-өз тілім.

Туған тілім-далам тілі-өз **тілім**,

Туған тілім-адам тілі-өз тілім.

Туған тілде сыры терең жаным бар,

Туған тілде әнім менен сәнім бар.

Балалар шеңберге тұрып, педагогпен бірге бүгінгі күндеріне сәттілік тілейді.

-Балалар жылдың неше мезгілі бар?

-Жылдың төрт мезгілі бар.

-Жаз,күз көктем,қыс

— Қазір жылдың қай мезгілі.

— Қазір жылдың күз мезгілі.

- Күз мезгілінің айларын атаңдаршы?
- Күз мезгілінің айлары қыркүйек, қазан, қараша.
- Балалар бүгін бізде мереке. Қандай мереке білесіңдер ме?
- Бүгін 22 қыркүйек тіл мерекесі.

Ана тілі-адам болып жаралғаннан бері адамның жан дүниесінің айнасы, мәңгі құрметтейтін бәйтерегі.

Балалар біздер қай елде тұрамыз?

-Біздің елбасымыздың аты кім?

-Біз қай тілде сөйлейміз?

-Біздер қазақша тілде сөйлейміз. Біздің ұлтымыздың тілі ол-қазақ тілі.

— Тіл туралы қандай тақпақ білесіңдер?

Нұрислам: Ана тілің-арың бұл

Ұятың боп тұр бетте,
Өзге тілдің бәрін біл,
Өз тіліңді құрметте

Алибек: Ана тілім бал тілім

Өзің барда шалқыдым
Өз тілімде ән шырқап
Термелетіп балқыдым

Дина: Ақыл ойын дананың

Ана тілден аламын
Ана тілім ардақты
Ақ сүтіндей анамның.

Мұрагер: Тілім барда мақтанам.

Тілім менің аппақ ән
Бірлігімді бүгінгі
Ана тілім сақтаған.

Толғанай: Өсірген ой білімді

Сүйем туған тілімді
Мақсат етем әр сөздің
Мәнін терең білуді

Саяра: Ана тілді білмесем

Шат-шадыман күлмес ем
Жер бетінде сайраңдап
Қазақ болып жүрмес ем

Айзере

Ана тілің біліп қой

Еркіндігің, теңдігің

Ана тілің біліп қой

Мақтанышың, елдігің

-Жарайсыңдар балалар тіл туралы көптеген тақпақтар біледі екенсіңдер.

Ендеше бәріміз бірігіп ойын ойнайық.

Дидактикалық ойын: «Кім зерек?»

Ойын шарты:Тақтадан жануардың суреті беріледі. Сол суретке қарап, бала жануардың атын атап және сол жануардың төлінің атын атау керек.

-Тіл туралы қандай мақал-мәтелдер білесіңдер.

Жансая: Өнер алды қызыл-тіл.

Айша: Тіл қылыштан өткір.

Ақсана: Тіл тас жарады

Тас жармаса бас жарады.

Қарлығаш: Басқа пәле тілден.

Балалар осы айтқан мақал-мәтелдеріңді естеіңнен шығармай үнемі жаттап жүріңдер.Жарайсыңдар балалар.

Қорытындылау

Осымен біздің Тіл мерекесіне арналған оқу қызметіміз өз мәресіне жетті.Оқу қызметіне жақсы атсалысып қатыстыңыздар.Сұрақ-жауап арқылы оқу қыхметін қорытындылау.

Бағалау және мадақтау.

Күтілетін нәтиже:

Біледі: өз тілі туралы ұғынады, тілдің маңызды екенін біледі.

Игереді: Өз тілінде анық еркін сөйлей алуды.

Меңгереді: өз елінің ұлттық құндылықтарын

ҚМ АА Күәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimgger.kz** Ақпараттық-танымдық білім порталы. Барлық мазмұн авторлық құқықпен қорғалған.